



LINJA AS
Sørstrandsvegen 227
6823 SANDANE
Att. Vegard Moritsgård Flatjord

Saksbehandlar, innvalstelefon
Tore Larsen, 57 64 31 26

Utvida frist for fjerning av betongmaster i Stordalen naturreservat

Vi viser til løyve til motorferdsel i Stordalen naturreservat i samband med fjerning av gamle betongmaster, gitt av Statsforvaltaren 18.1.22, og epost frå dykk 18. mars om at to hiv med betong har blitt liggande igjen ved eit mastepunkt i naturreservatet. Under sluttbefaring i området blei det oppdaga at betongdelane var blitt liggande igjen skjult under dei store snømengdene som kom i januar og tidleg i februar. De ønskjer no å fjerne betongdelane med to helikopterhiv i veke 13.

Vurdering

Vi viser til det omtalte løyvet, datert 18.1.22, og vurderingane som er gjort der. Det blei søkt om å gjennomføre fjerninga av betongmastene i januar-februar 2022, og vi vurderte at dette var ei tid på året da det ville bli minimal skade på terreng og vegetasjon, og minimal forstyrning av vilt. Ein hekkeplass for raudlista rovfugl ligg i eit dalføre nær eit av stolpepunkta, men vår konklusjon var at arbeid i området i januar-februar ikkje ville påverke eventuell hekking.

Det er ikkje spesifisert kva mastepunkt betongdelane ligg ved, men dette vurderer vi ikkje som avgjerande, ettersom dei store snømengdene tidlegare i vinter tilseier at den nemnte hekkeplassen uansett ikkje er tatt i bruk enno. Vi har dessutan fått opplyst at betongdelane er ferdig pakka og klare til å fraktast ut, slik at total flytid i naturreservatet truleg blir under fem minutt.

Vedtak

Med bakgrunn i vurderinga over, og med tilvising til vurdering, vedtak og vilkår i løyvet datert 18.1.22, gir Statsforvaltaren løyve til at Linja AS kan bruke helikopter i Stordalen naturreservat ein dag i veke 13 i år for å fjerne dei gjenverande betongrestane i naturreservatet.

Klage

Denne avgjerda kan klagast inn for Miljødirektoratet av partar i saka eller andre som har rettsleg klageinteresse, med ein frist på 3 veker. Eventuell klage skal sendast til Statsforvaltaren, som vil vurdere klagen og sende den til Miljødirektoratet dersom vi ikkje finn grunn til å gjere om vedtaket.



Med helsing

Eyvin Søltnæs
seniorrådgjevar

Tore Larsen
seniorrådgjevar

Dokumentet er elektronisk godkjent

Kopi til:
Gloppen kommune
Statens naturoppsyn v/Rune Holen